

Powšitkowne WOZJEWJENJA

njedźelu, 9. januara 2011

Kubłanske dny za šulerjow 7. a 8. lětnika

Pod hesłom „Žiwjenje je krasne – wo lubosći a druhich wěcach“ přeprošuje dekanatne dušepastyrstwo šulerki a šulerjow 7. a 8. lětnika wot pjatka, 14. januara, we 18 hodź. do soboty, 15. januara, w 16 hodź. do Don Boskowneho domu we Worklecach. Zajimcy njech so prošu hač do wutory, 11. januara, pod telefonowym číslom (03 57 96) 8 87 07 we Worklecach přizjewja.

Koparski turněr wo pokal TCM

Towarstwo Cyrila a Metoda z.t. (TCM) zarjaduje sobotu, 15. januara, w 13 hodź. w Chróšćanskej „Jednoće“ halowy koparski turněr wo pokal TCM. Po tym zo su so něšto lět aktiwne koparske mustwa wo pokal wubědzowali, su tónraz wosadne mustwa młodžiny přeprošene. Kóžde mustwo měło z wosom hrajerjemi nastupić. Hrač budže so stajnje 3+1, to rěka z třomi koparjemi a jednym wrotarjom. Mustwa měli sčasom w Chróšćicach być, zo by so turněr dypkownje zahajić móhł.

Putnik Gerat Róbl w putniskej hospodze

Wječork z doholětnym putnikom Geratom Róblom budže sobotu, 15. januara, w Gerdesec putniskej hospodze w Chróšćicach. Započatk je w 19.45 hodź.

Drježdžanscy Serbja so zetkaja

Serbja w Drježdžanach, jich přiwuzni a přećeljo su přeprošeni na přichodne zetkanje, njedźelu 16. januara, do cyrkwy swjateho Antonija (Drježdžany-Löbtau, Bünaustr. 10). W 15.30 hodź. budže dr. Sonja Wölkowa wo „nowostkach starych serbskich rukopisow“ (slědženja wo nowych starych serbskich rukopisach) přednošować. We 18.00 hodź. budže Boža mša z fararjom Achimom Pjetašom.

Swjedzeń swjateho Bosćana w Chróšćicach

Předsydstwo bratstwa swjateho Bosćana přeprošuje wšitkich na swjedzeń swjateho Bosćana štwórtk, 20. januara, do Chróšćic. Bože mše su w 6.45 hodź., 9.00 hodź. a 19.00 hodź. Swjedženski nyšpor z procesionom po wsy je w 14 hodź. Po nyšporje maja čłonojo bratstwa na farje swoju hłownu zhromadźiznu, na kotrejž přednošuje farar Gerat Wornar wo svojich pućowanjach do Chorwatskeje a Bosniskeje-Hercegowiny. Wěriwi ze wšitkich serbskich wosadow su přeprošeni, do bratstwa swjateho Bosćana zastupić. Štóž chce z čłonom bratstwa być, njech so hač do srjedy, 19. januara, na Chróšćanskej farje přizjewi, telefonowe čísto (03 57 96) 8 04 00.

Maćična akademija wo Cyrilu a Metodze

W rjedze Maćična akademija přednošuje štwórtk, 27. januara, w 19.30 hodź. farar dr. Jens Buliš ze Smělnje w Budyskim hosćencu „Wjelbik“, Žitna 7, na temu „Cyril a Metod jako misionaraj Łužicy? – Tradicija legendy“. Přednošk je w němskej rěči, zastup je darmotny. Stawizniska sekcija Maćicy Serbskeje wšitkich zajimcow wutrobnje přeprošuje.

Swětowe zetkanje młodžiny w Španiskej

Młodostni, kotřiž chcedža so na swětowym zetkanju młodžiny w Madridže wot 10. do 23. awgusta wobdźelić, móža so wotnětka w zarjedže biskopstwoweho dušepastyrstwa młodžiny w Drježdžanach přizjewić, pak telefonisce pod čislom (03 51) 3 36 47 17 abo z e-mail na jugendseelsorge@ordinariat-dresden.de. Jězba płaći 499 eurow. Štóž so hač do 15. januara přizjewi, trjeba jenož 470 eurow zapłaćić.

Putniskej jězbje do Magdeburga a Francoskeje

Lětsa mam dvě putniskej jězbje planowanej. Tu podam hižo nětko terminaj, zo bychu sej zajimcy swój dowol zarjadować móhli.

Prěnja jězba budže wot wutory, do štwórtka, 3. do 5. meje, do Magdeburga. Wottam podamy so na wulět do Halberstadta a wopytamy benediktinski klóšter Huysburg. Zajimować budžetaj nas swjata Mechthild Magdeburgska a swjaty Norbert Xantenski.

Druha putniska jězba budže do Francoskeje, a to wot štwórtka do štwórtka, 20. do 27. oktobra. Wopytamy Straßburg, Vezlay, St. Odile, Ars, Cluny a Taizé. Naš „putniski swjaty“ tychle dnjow budže swjaty Jan Vianney, farar z Arsa. Přizjewić móža so zajimcy telefonisce wotnětka pod čislom (03 59 35) 2 04 25. *T. Kubašec*